

Y Pwyllgor Cymunedau, Cydraddoldeb a
Llywodraeth Leol

Communities, Equality and Local Government
Committee

Cynulliad
Cenedlaethol
Cymru

National
Assembly for
Wales



Bae Caerdydd / Cardiff Bay
Caerdydd / Cardiff
CF99 1NA

David Rees AC
Cadeirydd
Y Pwyllgor Iechyd a Gofal Cymdeithasol

28 Ionawr 2014

Annwyl David

Fel y gwyddoch, mae cylch gwaith y Pwyllgor Cymunedau, Cydraddoldeb a Llywodraeth Leol yn cynnwys materion sy'n ymwneud â'r Gymraeg. Ar y sail hon, cynaliam sesiwn dystiolaeth gyda'r Prif Weinidog yn ddiweddar i drafod ei gyfrifoldebau mewn perthynas â goruchwyllo a chydgysylltu polisi'r Gymraeg, gan gynnwys arolygu gwaith Comisiynydd y Gymraeg. Rydym wedi ysgrifennu at y Prif Weinidog yn sgîl y sesiwn dystiolaeth yn gofyn am wybodaeth bellach am faterion penodol ac yn amlygu'r meysydd hynny o bolisi'r Gymraeg y mae'n fwriad gennym eu cadw dan sylw. Rwyf wedi atodi copi o'r llythyr hwnnw, am ei fod yn cyfeirio at faterion a all fod o ddiddordeb neilltuol i'ch Pwyllgor.

Roedd y sesiwn gyda'r Prif Weinidog yn eang a thrafodwyd nifer o faterion sy'n rhan o gylch gwaith pwyllgorau craffu eraill. Fe atgyfnerthwyd felly natur drawsbynciol y Gymraeg a thynnwyd sylw at y pwysigrwydd o gydlynw gwaith y pwyllgorau o ran craffu arni.

Yn y cyswllt hwn, cytunodd y Pwyllgor y dylwn ysgrifennu at bob pwyllgor yn gofyn iddynt ystyried y modd maent yn craffu ar y Gymraeg lle y bo'n rhan o'u cylch gwaith. Cytunodd hefyd y dylwn geisio barn y pwyllgorau ar y ffordd orau o brif ffrydio materion sy'n ymwneud â'r Gymraeg ym mhob agwedd ar waith craffu'r Pwyllgorau. Yn ogystal, byddem yn croesawu eich barn ar y modd y gellir ystyried y Gymraeg yn y broses o graffu ar y gyllideb.

Byddai o gymorth mawr i ni pe gallech roi eich barn ar y sylwadau uchod cyn gynted ag y bo'n ymarferol ac, os yn bosibl, erbyn diwedd mis Chwefror.

Edrychaf ymlaen at glywed oddi wrthyhch.

Yn gywir

A handwritten signature in black ink that reads "Christine Chapman". The signature is written in a cursive style with a large initial 'C'.

Christine Chapman AC / AM

Cadeirydd / Chair